

PROGRAMMA

Quo

AD FESTUM

MICHAELI
ARCHANGELO
SACRUM

devotè celebrandum,

ut &


ANGELICAE CUSTODIAE PIAM
MEDITATIONEM



Omnes Academici Ordinis Cives
piè receptò more serioq; invitat.

UNIVERSITATIS ROSTOCHIENSIS

P. T.

RECTOR

CASPAR  D. Med.
ac Mathem. Prof. P.

 :) O (: 

Typis Heredum NICOLAI KILII, Acad. Typ. M. DC. LIX.



Lluxit iterum Orbi Christiano, & nobis quidem, Cives optimi, licet bellorum undiq; strepitu circumdatis, in Pace (sic gratia summa æterno Numini) sacer ille dies, quem *Angelorum Festum* Ecclesia nuncupat; Non, uti cum superstitiosa Papicolarum gente sanctissimorum spirituum agmen adcremus, aut idololatricum illud intinemus: *Summi Regis Archangele MICHAEL, intende, queso, nostris precibus; Tu Deum obsecra pro nobis, ut mittat auxiliū miseris &c:* sed ut cum æternum illum MICHAEL, qui verè, pariter ut Pater, *DEUS* est, religioso cultu prosequamur, tum ut Angelici in sacris propositi Belli, & ad mundiusq; finem continuandæ pugnæ salutarem memoriam recolamus. Creaverat enim summus Naturæ universæ Conditor in ipso rerum initio innumeras substantias immateriales, purissimas, lucidissimas, sibi que inter creaturas omnes quàm maximè similes, adeoq; ad indeficientis amoris, & promississimi obsequii cultum devinctissimas; Horum en. purissimorum spirituum aliquis ab exi-

mia

58700 (14)



mia pulchritudine Luciferi nomen adeptus, postquā
cū insigni alia multitudine sui similiū ab Auctore suo
malitiosō fastu defecerat, cæteris in pristina reverētia
constantibus ducem sese dedit increatus ille Angelus
Fœderis MICHAEL, Æterni Patris unigenitus Filius,
ipseq; JEHOVAH, collatisq; signis ad vertus desertorem
suum ita pugnavit, ut illico eum, una cum omni exer-
citu suo è cœlo depulerit, ac in tenebricosos infero-
rum abyssos detruserit, è quibus emergendi unquam
potestatem penitus amisit, contrariendi tamen Crea-
tori suo, & offendendi ac seducendi humanum omne
genus malitiam deposuit nunquam; in cujus proin-
de tutelam potentissimum illud sanctissimorū cœli-
tum agmen postmodum destinavit summus ille uni-
versi Moderator, cui adeo renovandum postea fuit
gerendumq; continenter bellum illud cum iis ipsis,
quos semel satis superq; sub infinito duce suo debella-
verat. Nequaquam enim cæsi hi & fugitivi mali Spi-
ritus animos desponderunt, sed hydram illam, quæ sc-
ctō capite valentior exsurgere dicitur, imitati, vafer-
rimè ac violentissime homines sunt aggressi, & eam
provinciam improbo conatu invadere ac vastare cœ-
perunt, quam sanctissimorum sibiq; proinde infensis-
simorum Angelorum curæ ac vigilantia demand-
tam invidebant. Nec etiamnum à scelestissimo isto
opere vacant aut feriantur, sed inexplicabili perden-
dorum hominum desiderio flagrant, quotidie ad-
huc

huc obambulant, omnisq; in universum status homi-
nibus insidias struunt, & non fortunis tantum aut cor-
poris incolumitati, ipsiq; vitæ, sed animæ etiam ejus-
demq; salutis crudeli rictu excidium minantur; neq;
frustrarentur isti fine suo, nisi in præsidium imbelli
mortalium generi angelicam custodiam & prote-
ctionem Divina benignitas indulgisset. Ut ut verò
nullus non hominum status insidiis ac fraudibus ad-
versissimi hostis sit expositus, nulli tamen majori
odio vires suas & arma intentat, quam *Ordini Ecclesia-
stico*, utpote cui tantò infensior existit, quò majus in-
de sibi suoq; detestabili regno damnum ac detrimen-
tum inferri posse agnoscit. Hinc nunquam non ope-
rosus est, ut vel doctrinarum errores iis insinuet, vel
adfectus eorum depravet, ac morum pravitates iis-
dem imprimat, cognitum ratumq; habens, vitæ im-
probitate plus destrui, quam communi doctrinæ ac
præceptionum veritate ædificari, tractis in exem-
plum moribus & actionibus eorum, quibus fidem ac
obsequium tribui cæteroquin par est. Quod si intrin-
secus corrumpere hujus primi ordinis homines non
conceditur, externis eos injuriis aggreditur, & vel
per venena aut crudeles tyrannorum manus eos de
medio tollere, vel contumeliis ac cavillationibus ma-
lè feriatorum hominum eos in opere pietatis turbare
ac de lassare a laborat, idq; operam dat unicè, ne pro-
nas in sui obsequium mentes cordatis ac severis de-
horta-

hortationibus retrahant, & ab exitii amplissimâ
viâ in salutis angustiores semitam feliciter dedu-
cant. Contrahæc tamen Ecclesiasticis ab infernali
Cacodæmone intentata incommoda auxilium
potentissimum subministrat Dux ille Exercituum
MICHAEL summus, interna quidem illa sui Sancti
Spiritus gratioſâ in habitatione concessâ dispel-
lens, externa verò per Angelos protectores, suæq;
benignissimæ voluntatis executores, felicissimè
profligans & anteverrens. Ad exempla provoco
Jacobi Patriarchæ, & Prophetæ Elisæi, quos inte-
gri Angelorum exercitus adversus hostes defende-
runt; Danielis Prophetæ, cui inter Leones seden-
ti Angelus adfuit Leonum ora obturans. Petri im-
primis Apostoli, qui carceri inclusus, catenis vin-
ctus & militum catervâ benè custoditus, ab Ange-
lo tamen carceris caliginem illustrante à somno
excitatus, à vinculis expeditus, per medios satelli-
tes tutò deductus, plenus ob miraculosam libera-
tionem gaudii ad suos reverti potuit. Porro in
Statu Politico, qui Civitatum ac Rerum publicarum
moderatores existunt, quos non intensissimi hu-
jus hostis insultus experiuntur? quas non insidias
animadvertunt? quibus non imperuntur ab ipso
violentissimis? Modò enim externos hostes adversum
ipsum concitat, qui regimen divinitus concessum
eis eripere, provincias vastare, urbes evertere, ci-
vesq;

vesq; bonis omnibus, vitaq; ipsa privare crudelis-
simè defudant; Modò Consiliarios corrumpit ac
perniciosâ implet pravitate, ut non nisi cruenta &
publicæ Principis ac Imperii, privataq; Civium sa-
luti pestifera consilia suppeditent, quib⁹ eliminari
justitiam, moresq; in Repub. bonos, omnemque
pesfundari prosperitatem contingit. Sed hâc quo-
que in parte præstò est semper MICHAEL noster
cum innumerabili cœlestium & fortissimorum
cohortium copia, pro publica privataq; salute ex-
cubantium, quorum ministerio, invictâq; dextrâ
frenum injicit crudelissimo inferorum tyranno,
quod, si quando in vindictam peccatorum, & de-
monstrationem sinceritatis piorum remittit Mo-
derator Optimus, ad supplicationes pœnitentium
& fiduciam eorum qui ad invictissimum nomen
ejus, arcem illam insuperabilem, confugiunt, mox
iterum adducit. Quo fit ut de eo satis securi simus,
ultrâ, quàm justum & salutare visum fuerit Domi-
no Deo nostro, judici usq; quaq; justissimo, pru-
dentissimoq; rerum omnium Gubernatori, nos ab
immani isto Cerbero non allatrari, nedum vulne-
rari posse. Quod verò altum istius attinet, etsi ve-
terator sit callidissimus, nec in mundo extet pru-
dentia, quæ antiqui illius Draconis vincat aut im-
pediat artes, noster tamen MICHAEL & qui militant
ipsi, cœlestes Spiritus, quemadmodum Dæmoni
qui

qui in Persarum olim Regis aula res turbaturus erat, non nemo ex eorum numero felicissimè restitit, ita quoque infernalis hujus præceptoris & contubernalium ipsius in tenebris cufas machinationes incredibili sagacitate antevertendo eludunt, & astutissimorum consiliorum effectus in deridenda non raro ludibria convertunt. Nec minor etiam sancti nostri MICHAELIS in *Re familiari* mortaliu tuenda & cura est & felicitas. Nam cum hæc fundamentum & origo sit, uti omnium hominum, ita quoque eorum, qui Rempublicam, in Ecclesiasticis doctrinâ. in Civilibus consiliô manuq; gubernant, noster hic inimicus vafferimus non tantum externis afflictionibus & persecutionib9 gravissimis eos qui in societate domestica vivunt, infeitat, verum etiam, id quod perniciosissimum est, à terrerrima confestim infantia, immò verò ipso primo halitu intima hominum pertentat cordium penetralia, omnemque movet lapidem, ut quoad ejus fieri potest, unâ cum annis & ingenio vires sumat, & succrescat indies originale illud, quod innascitur nobis, & quàm intimè immedicabili cheu / lue insitum infixumq; est peccatum, quò, quæ ad justitiam & sanctitatem divinitus homini concessa sunt arma, Intellectus & Voluntas, in oppugnationem Regni Gratiæ, quod tanquam vestibulum alterius illius, Gloriæ scilicet, regni in terris adornavit Rex & Pater Coelestis, convertantur, & illô præclusô, hujus quoq; fruitio miserrimis mortalibus intervertatur.

Agnoscite ergò, ô mei, immensum benigni Patris erga nos, præ cæteris certè creatis tantò favore indignissimos, affectum; Admittite, quæso, ut luculentissimæ hæc divini amoris flammæ accendant, ac salutaris reciproci affectûs calore repleant subrigida nostra pectora; Decantate nomen Jehovæ, Dei Zebaoth, tam illustribus inter nos documentis

cumentis exaltatum. Sint ora, animi, omnesque in univer-
sum vires nostræ paratæ ac pronæ in laudes & gloriam ejus.
Absit à nobis foedissima ingratitude, ut vel tanti beneficii
negligenter immemores, vel in extremum malitiæ gradum
delapsi, non tantum quæ grata sunt summo Tutori nostro,
volentes omittamus, sed committendò etiam quæ inimi-
ca ac detestanda ipsi novimus, cadamus miserè coelesti
Ipsius Gratiâ, ac tutelarium Angelorum familiaritate &
confortiò privati, infensissimi salutis nostræ Hostis atque
Insidiatoris arbitrio relinquamur, mox cuncta Corporis,
fortunæ, Animæq; ipsius inæstimanda prorsus bona nostra
miserrimè pessundaturi. Plura in hanc rem & intimius
forte penetratura hodiè suggerent fidissimi ac suaviloqui
(quorum nobis hîc copiam gratiosa Dei Bonitas fecit.)
Verbi Divini præcones. His itaq; attētas præbeam⁹ aures,
animumq; accommodemus liberum à malignis affectibus,
vacuum curis, alienum à vanitatibus mundi, piissimis con-
trâ proficiendi in cognitione salutiferâ, vitæq; emen-
datione desiderii plenissimum.

Nostris Deus annue Votis.

P. P. Sub Sigillo Universitatis die XXIX.
Septemb. Anno M. DC. LVIII.

